

漢泉曹文貞公詩集

四

漢泉曹文貞公文集後錄

大元故資善大夫陝西行御史臺中丞贈體忠守憲功臣資政大夫河南江北等處行中書左丞上護軍追封魯郡公謚文貞曹公神道碑銘并序
中大夫禮部尚書臣曹鑑奉

勅撰

翰林侍講學士通奉大夫知

制誥同脩國史知經筵事臣

張起巖奉勅書

資善大夫中書左丞知經筵事

臣王結奉勅篆額

文宗皇帝初即位銳為圖治以風紀之司視聽所繫正便尤宜宿望

詔引年未罷者悉復之公自浙西謝歸碭山五年矣起使淮東淮東吏庶喜公之至復虞公之不久留也未幾果有西臺之命使駟敦趨行次汴梁疾作迺喟

然曰七十歸事著典也君命急趨大義也至於黜齒充顏持寵而不知止深懼也遂屏傳摺使者駐車卧簡書又至終不起尋引歸一時被命者亦相繼去位於是天下之士高公之先决信公之遺榮也明年四子泰亨卒於閩公往拊之過丹陽復聞長子震亨歿毗陵哀痛回仍盡然自瘞矣是冬其季復亨自碭來迎病不能歸又明年春竟卒于毘陵別

第貴亨復亨率孫允等扶匭還葬所過城邑士大夫哭之曰雅德亡矣其如善類何今

天子即位之二年有司以公之事狀來上惠邱之典命數有加仍

詔臣鑑為銘墓道以示有衆臣鑑謹按曹氏世家定陶者實周文之昭地裔時代變遷聚裂還往率不遠違濟毫間公諱伯啓字士開自高大考諱洧以上務

農種德不營祿仕其配韓曾大考行序
曰九翁諱其配大考諱仲寶跌宕
不羈善控射從軍攻亳死城下用公貴
贈嘉議大夫上輕車都尉追封譙國郡
侯其配邵譙郡夫人考諱甫累贈中奉
大夫護軍追封譙國郡公其配朱譙郡
夫人護軍生而孤五歲壬辰大孽母兄
技以北渡居成武之漢泉里倪二自業
逾拜紀還軍自宥乃徙碭稍溫洽焉三

子公伯也夙負英異為於問學未弱冠
文正李公謙教授東平往從之環堵一
室煨燧鍊糲恬如也既而領本縣文學
掾歸闈館授徒日以研劇種絹自程文
定馬公紹守單薦之銓府擢授灤州儒
學正不行久之碭南有臺曰宴嬉俯瞰
大河暇日與客同登把酒相屬曰黃流
東西惟意所如古人既不我待焉能陸
陸坐送伏脯乎乃遊京師寶至元十有

四年冬十月也一時前行社左司昌翁
等首以異客相速尋除巢州儒學教授
十九年授將仕郎江陰路總管府經歷
能以槩贖自持時江左初定里居鄉寓
大夫士殷集公餘每與陸憲使皇史總
管孝祥陸文圭輩講磨義理詩詠酬答
然未嘗癡滯府中也應再考例降

制行二十五年改婺州路蘭溪縣主簿
尉獲強盜三十械之涂面掠背狗諸市

公獨察其非驗力為辯杖果得真盜尉
坐是黜憲副王侯有威名郡守佐率望
風去獨遇公以禮且狀于行臺辟置令
史俄除從仕郎杭州路鈔庫提領鈔法
久弊至元更製其弊滋甚蓋體輕直重
故易腐而多偽置庫聽民以腐易新往
往效於勢力胥徒不勝為奸公約以法
啓閉以時細民自錢伯以上均得馳易
新出無滯腐入無鴈未更擢據浙省時

行省補掾必以名役移中書畫可惟品
八正從流官乃應格同諮者十餘公資
逾格左司議府皆難之梁薊公時為左
丞閱之曰是曹伯啓者非士開乎斯人
負才望二十年而尚幽簿書例可限耶
特允之大德五年進承務郎常州路總
管府推官郡民趙友諒之妻江與同居
湯氏子通友諒殺湯而釋其妻江父千
夫長素富俠駐女見污詭壻酗酒而然

實非以奸徧賂當要屬公信愛故人從
容訪公道其故且以緡五萬為贖願如
其請公毅然曰友諒固鉅凶彼其娣書
褻服徃來章者不究其根則亂倫者
回容而償殺者非本罪可乎故人不取
復語獄上友諒竟以減死論富室黃
殺人事覺厚資其佃李亞羅誣服公閱
實正之人服其明宜與無錫二州饑推
鞠專刑不與它務行省特檄公濟之民

以無殍十一年陞奉訓大夫河南行省
左右司都事至大三年

制授朝列大夫台州路治中未赴拜西
臺監察御史詢部必以學校教養程督
為先猾徒囂頌所司少抑之即釅以賊
私訐于憲治聽者或不詰實徑符应于
罰間有心察其寃例以嫌不之省公必
研諦以情兩造俱盡乃麗之法進朝散
大夫本臺都事轉中順大夫召入中臺

後系

六

都事迨祐三年徙中憲大夫刑部侍郎
湖廣行省右丞越魯不花前帥八番忿
禦猺散卒野鵠劉等聚點難制密獮土
官以兵掩誅其魁黨回而剽及良民牒
訴紛厖狴犴充斥又新添及平伐猺賊
交亂西南以擾聞命公偕兩臺御史本
省參政賈馴蒞鞠之行次沅州道且梗
公曰進非兵衛不可彼諸番酋長萬一
驚疑狙候為患不細今乞往新帥習著

威名若馳一水與之議靡不有濟衆然
之乃遣令監察御史楊鵬單騎詣之果
得要領以歸止坐前帥擅興罪餘悉以
安大同宣慰臣撲運嶺北糧歲石以億
計實不副直肆為欺罔御史發之賊累
鉅萬朝廷數使督徵皆反而游言家後
遣公其人死公引喻其子弟曰公逋死
無賞與其蘄援以賂曷若送官第條汝
父所賂者移文扣之顧不末宥汝負耶

受賂者聞之率潛歸如數暮月得五十
萬緡訖無可理者列上與免建議違之
轉通議大夫出為真定路總管路當孔
要諸王重臣往來驛頓未始以供億漁
擾其民見戶代輸流亡之賦工徒廩餼
久不繼悉除給之拜大農丞天下賦入
鹽利逾半而淮浙尤重自初附以距迤
祐增直十有五倍官益既貴盜販蠟興
鹽四百斤口判貯兩席滑商唱場吏

贏加有半由是煎額虧懸竈丁不勝楚
毒先置官檢校終莫之革四年朝廷納
李英之策以英克兩浙運使別檄公與
行省試可以聞乃罷掣製杭州嘉興各
為一倉浙西諸場隸焉紹興溫台各為
一倉浙東諸場隸焉倉設常選監使副
及監運員官售席索諸場一歲之筭比
初冬合竈畢輸于倉編緝積之引商坐
待各部州縣水客詣倉射買定其估引
二百緡有時捐四之一以歸商餘悉入
官監運場吏舟人增損依法盜賣漏失
及各倉旬較月比償輸不及者有罰如
是法一而私鬻亦殺公畫居多歸報遂
著令迄今稱便尋除南臺治書侍御史
回言諸被枉赴愬止中外臺司公訟寃
者一切莫問非制也宜委官覆讞實則
直之妄則加論可也於是羣議譁然公
尋亦去矣拜福建廉訪使未行改右司

郎中數月除山北廉使名為集賢侍讀
學士俄拜侍御史同刊定大元通制出
為浙西廉訪使國子丞陳觀二子相繼
沒以書唵公曰吾祖簡齋嘗守湖州遺
孫照在馬照兩子公為丐一以嗣我他
日死當不朽未幾觀卒公名照示以觀
書且曰周以太姬配胡公而封諸陳此
意不可失也照泣而從之公資以牢幣
命子復亨同抵京師觀卒有後其誠以

享人類如此平居每戒學者必以不欺
為本而以亥廣適用為學曰學不適用
猶不學也又曰學未融會不可與言道
心未洞達不可與計事故臨政莅民清
勤不懈既不闊略吏文而每事必本於
經術心要居家興寢夙夜未嘗少肆喻
子弟以莊飭僮僕以謹祿入量出禮儉
自持衣有三十年而無沈敗者人語以
謀生若弗聞也及卒家無餘蓄度惟琴

書所過詩文若干篇號漢泉湯藁初配
李氏攻苦內助事舅姑稱孝先公三十
八年卒追封魯郡夫人生四子震亨追
封晉陵縣尹貴亨今臨江路儒學教授
謙亨讀書早卒恭亨仕至福建鹽運使
司經歷二女一適南臺掾史趙大同一
適餘杭巡檢張居仁再配石盞氏卒今
配石盞氏其妹也有淑德息以拊下人
未嘗窺其喜怒累封魯郡太夫人生二

十一

子復亨前侍儀通事舍人履亨西臺察
院書吏孫男八人允以公應承事郎江
陰州判官過祖崇禧總管府令史敬祖
天長縣儒學教諭過祖敬祖勤于藝業
克配其嫡榮祖筮仕江浙行省欽祖弘
祖明祖繼祖皆從學女十人曾孫男二
人曾喜於克女二人公生以乙卯年十
二月三十日卒以至順癸酉二月十六
日壽七十有九葬以礪山縣孝弟鄉之

新塋錫謚加號命之銘以元統三年正月十日也銘曰

繫周建曹寔昭于文粵侯平陽乃漢元
勲
皇元立極多士層出肆封于魯自公孔
碩其碩伊何忠信為負學以麗之威儀
靡或作政于邦教于有家義以濟恩仁
以嫉邪吏習儒通匪激匪容華要應踐
一約始終巾車既懸寤寐漢泉

後集

十一

天子曰嘻勉起予宣強飯而趨星言載
途公曰負茲齒力弗舒歸餘養疴于碣
之阿或授之祭或反之歌江風忽淒南
征孔悲人憂明喪天胡不遺孰無有仕
七朝故臣孰無有銘恩出
帝綸太史纂功春常節惠載辭阡珉永
永無敝

文貞公畫像贊

前中書參知政事中奉大夫江南
行御史臺侍御史東平王士熙贊
國有元老于魯之邦泮水雍二金石擊
縱聲實南紀下民綱常烏集庭栢鳳鳴
高崗承宣時雨簡書嚴霜議先賦理班
登賢英潼關于邁黃河載清著龜諮訪
几杖光榮質古中宏目炯裁明宜爾子
孫道重爵輕

祭文貞公文

維至順四年歲次癸酉三月乙丑朔進
士常州錄事鳩勉儒學教授詹天祥學
正章懋卿門生蔣德鄰趙楷等謹以潔
牲柔毛之奠敬祭于

故資善太夫陝西行臺御史中丞曹公
之靈嗚呼孰謂我

公而遽亡乎中原之耆舊

朝家之元老如星而展如木而霜惟

十三

公挾河嶽之英果臺閣之勲殆歸然其
如魯靈光故望風采者恍天再慶雲之
昭章聆音聲者宛律噓寒谷之吞陽諧
契誼者郁九畹蘭蕙之交香蒙引掖者
蔚大田稻菑之待秧前者或班二乎青
史後者或騷二乎周行嗚呼孰謂我
公而遽亡乎昔盤桓乎憲府今老栢寒
烟其黯焉昔從容乎翰侍今紫微夜月
其慘光凡舊撫之州縣皆憶其如桐鄉

舊憇之郡燕皆鬱其如甘棠獨毗陵而
尤永不忘信乎遺愛遠而洋々如水流
深而決々方德星之聚茲驚執法之隕
芒嗚呼孰謂有憾傷乎賢而顯庸終以
壽康與漢之踈傳唐之白杜渺高風其
相望嗚呼孰謂無憾傷乎白髮何短丹
心何長視周之尚父衛之武公猶足以
論道而熾昌固當世之所期李司造之
靡常宜乎時之公卿大夫思其諮謀謨

二百卅四

十四

而稽典章四方之宮游而好脩思其措
謨矩度之允良允吾輩之後生小子思
其德業之粹美思其表儀之端方思其
言秩々而溫思其貌昂々而莊思其穹
貴高年而能謙々以自將嗚呼一朝而
迥隔於杳茫徒重泣涕之浪々有烈其
柎漿載酌餘芳尚饗

文貞公哀辭

門生開封趙楷

御史中丞錫山曹公大德中為常州推官家君再辟府曹掾公特愛重之公仕繇儒進故崇儒今財賦總管曹公克明時撰學官客常州公日延至會僚友說書時楷始十歲家君携往觀聽公名使前問所從受業俾誦大學終卷公甚喜間至先師一山李先生塾命賦詩或加賞予勉卒業後三十年公膺中外重任望益隆

綸命杏至最晚浙西憲使致仕特恩起淮東憲使尋除御史中丞分司陝西得

旨許告老遂歸錫山故里扁所居軒曰知止齋曰容齋堂曰餘慶自號漢泉從鄉名也至順三年春公來常州會長子歿又離暑兩河溢涉秋遂留過冬楷方

家居為童子師公俾其孫弘祖從楷學時至楷所不怠所教與家君尤相好每憐其貧而悲其老或時餽酒肉助楷甘旨具公天性謙裕凡所往來靡造其家道舊故如平日公昔在江南得脾疾至是復作二子責身復身視湯液不離四年二月朔楷往候問進見簣次語咲晏如十有六日加劇夜二鼓忽忽捐館春秋七十有九公仕清要數十年凡所以

尊主庇民彰善癉惡事不一書而貴富壽考以功名終近世公卿鮮能及者公三子皆從事憲府孫嫡以公陰官上州佐洎孫男女二十餘人侍夫人與喪會常州嗚呼公生也無憾死也奚哀然楷所哀者哲人不可復作音容歎息隱然杖屨私有不能自己者謹為之詞曰
矚之雲兮英英
謇夫人兮好脩
靈雲漢兮文章
佩服兮瑤珩
劃天閣兮洞開
逝

墟埃兮上征

帝念兮下土華尔節兮惠斯民攬余轡
兮搏桑遭吾御兮龍庭麾斥兮八極就
陳詞兮稷清

帝眷兮西顧昇執法兮周京僕夫瘁兮
歸來碭之山兮青二飄風兮丹桂策杖
老兮遡迎山川阻兮歲殫芎藭乏兮頽
齡河湫二兮湯二旒翩二兮車軒二嗟
生往兮死還春草萋兮再生兆新阡兮

夜長

十七

碭之左慰恆典兮哀榮至順四年二月
二十有一日門生開封趙楷拜拜謹書

錢塘張鑑

若有人兮碭山之幽聽鈞天兮賦遠遊
滄浪兮濯纓冠解兮揚休塞杼擘兮
菟裘匪疏韋兮誰儔彼蒼兮不愁遺羗
一夢兮何之漢泉兮悠二芳與澤兮同
流魂兮歸來延陵兮不可以久留

文貞公挽章

從事郎紹興路諸暨州判官門生陸介
臺閣尊元老風霜屬舊臣綠章封事在
白髮決痕新勲業傳三世年齡近八旬
聖朝加恆典遺像付麒麟

問疾蘭陵館承顏憶舊年從容拜床下
跌語接樽前養老

君恩重憂時客淚懸蓋棺名實定悵望
白雲天

後錄

十八

進士將仕郎常州錄事馮勉

貂冠振昭代鳩杖憩中原貴齒恩光重
褒賢品秩尊老人度南極孰法落西垣
客吊數州淚名香千古存

常州路儒學教授詹天祥

德星驚隕共淒然夢斷吳江鎖暮烟二
品衣冠人八十一門文獻禮三千奉先
亭在靈光遠餘慶堂高後嗣賢愁損寒
梅聽薤露傷心丹桂去翩

彭城劉文炳

周人禮樂晉風流臺省歸來已白頭韓
柳文章登翰苑崔盧姓字在金甌幾年
人避青驄馬一夕天成白玉樓華屋山
丘今已矣羊曇那忍過西州

吳興章懋卿

大雅光前括清名著汗青中原推闕闕
後學仰儀刑別業依南斗脩程起北溟
繡衣登憲府白簡肅

後集

十九

朝廷食蘖餘深味安車及暮齡芳蘭今
滿砌丹桂已充庭致政尊元老聞居炯
魯靈涓濱驚斷夢華表竟摧翎岱岳收
英氣文昌返列星一朝傷永訣千古闕
遺經謬忝殊知厚徒憎泣涕零無日歌
薤露有恨寄泉扃

龜山書院山長陳禹遠

望極中司責如公復幾人金章二品秩
白髮九朝日蟻國空成夢烏臺只自春

臨風一慟哭回首重沾巾
天下一大老人中三達尊西臺思舊德
北闕寵餘息冰蘖全忠孝牙緋遍子孫
生榮死無憾何用苦招魂

開封趙士元

中丞臺閣名猶重元老衣冠夢已空月
俸終身丞相下春雲滿屋礪山中東都
供帳榮疏傳南國甘棠憶名公三十年
前掾曹在青衫老淚濕東風

漢書

二

常州門生蔣德鄰

中原文獻已星稀又向南州哭繡衣小
井夜寒神劍化礪山春暖卧龍歸名揚
臺閣生無憾澤潤兒孫死有輝情斷此
歌招不得淒風丹旒暎雲飛

天台徐士榮

麟鳳世罕見如公能幾人官高不知貴
道在豈憂貧霜操西臺栢天年大澤椿
一時泉壤恨千載淚沾巾

舊日甘棠地今朝薤露歌德星俄隕石
教雨久成河臺閣題詩滿鄉閭載酒多
見孫能繼述春夢托南柯

巡陵吳克恭

時來馳馬使歲闋白鷄年魂氣衣冠盡
寸名簡冊傳惟應比疏庸更復侶韋賢
綠野春天日猶疑臺省邊
分陝聲華重

先朝禮數優起居同漢節歸葬復徐州

送東

二十一

厚祿還能顯脩名卒未休寂寥遺老日
蕭瑟闕宮秋

太原牛時中

錫土開譙國分臺立要津皤々仍國老
謬々自王臣書疏

丹墀舊衣冠白社新傳家有清節麟趾
日振々

賜几元臣老徵車禮數殊風流幾八表
德澤施諸孤海內羊曇淚春前孺子芻

故人官太史應得傳醇儒

常州許士俊

栢府青驄馬梅花白玉堂老臣關
國體宵夢憶

君王天上三星拆人間一鑑亡芒碭春
雨夜山色慘無光

昆陵陳顯曾

甘棠舊城府昨夜殞精靈海內餘元老
生平祗六經春陰太白曙日色碭山青

後錄

三十一

謚典哀榮共穹碑看勤銘

耆舊飄零日星河慘淡辰策勳歸太史
華門及西人黃閣猶通籍青山竟掩
身淒涼楚江涕不到濟陰春

葉繼祖

去年曾失震公子華館春深眼倦開多
歷大官知異數長乘驄馬記西迴開筵
宴費黃金賜拄杖今傳白玉摧芒碭山
川雲物曙百年耆舊一興哀

桐廬縣儒學教諭門生陸元善
使鉞風霜肅臺綱日月新青山尋勝事
綠野老間身家世傳清訓
朝逢憶舊臣蒲輪空有夢薤露已傷神
睿思深黃閣嘉謨動

紫皇典刑公尚在精力汝誰強用老需
丹辰辭綰綰繡裳九原不可作天地颯
淒涼

陳宗仁

公輔雄才遇等倫丹心鶴髮九朝臣幾
年館職登金馬一旦堂封踞石麟芒碭
秋風空洒淚蘭陵夜雨獨傷神那堪回
首談經處雲白山青不見人

南陽東選之

麒麟閣上舊功臣夢斷秋風渭水濱漢
室衣冠一丘工曹門詩禮百年人霜餘
烏府留蒼栢雲黯燕山隕大椿嗟我書
生竟安仰楚江回首淚沾巾

昆陵侍生王德元

洪鈞播萬彙細大殊不同鳳凰託高梧
天馬嘶冷風芒矚多奇氣高人天所鍾
馳聲益崇大起家繇章縫走謁承明
廬立

朝見清忠厯官老臺閣仁惠蘇罷瘖致
政謝

天子綠野思則農子孫樹門戶觴詠河
雍雍歡好未渠央太白朝已東斯文就
淪喪我輩將疇宗眷言思君子感深情
內訶生多真何益拊棺徒自恫死別良
可恣揮淚嗟無從

惟揚劉景聖

栢府推元老投間出鳳城席羶方獲拜
窀穸忽悲驚天上魚符墜人間柱石傾
矚峯丹旆遠拭淚不勝情

昆陵蔣幹

埴闕尊元老殊
恩贈秩新致身宗學

術歷職近衡鈞丹旄含雲幕彤騎甬路
塵應留舊遺像千載照麒麟

昆陵蔣韓

譙國中丞貴冠裳起縉紳懸車方告老
曳杖忽傷神臺閣思清論

朝建憶舊臣春風碣山道行者淚沾巾

古鄆班宗義

重祿中丞貴高年八袞尊懸車謝簪紱
曳杖貴立園故典憐文獻豐碑示子孫

長安

二二五

無由拜床下春草尖新原

彭城劉璣

譙國衣冠百世榮中丞斧節重時名鷄
林此日懷文獻烏府何年見老成未死
青驄應有沒遠歸丹旄若為情使君英
氣還千古回首蘭陵空月明



